



## KEAGUNGAN AL-QURAN

الْحَمْدُ لِلَّهِ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَهُ عَلَى الدِّينِ  
كُلِّهِ وَلَوْ كَرِهَ الْمُشْرِكُونَ،

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا  
مُحَمَّدًا عَبْدُهُ وَرَسُولُهُ،

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ  
تَبِعَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ  
مُسْلِمُونَ.

Marilah kita berusaha meningkatkan keimanan dan ketakwaan kepada Allah Subhanahu wa Taala dengan



melaksanakan segala suruhan dan menjauhi segala larangan-Nya. Mudah-mudahan kita peroleh keampunan di dunia dan akhirat.

### **Sidang Jumaat Yang Dirahmati Allah Subhanahu wa Taala.**

Al-Quran merupakan kitab suci yang diturunkan oleh Allah Subhanahu wa Taala kepada Rasul terakhir iaitu Nabi Muhammad Sallallahu Alaihi Wasallam. Umat Islam yang beriman wajib menyakini bahawa kitab suci Al-Quran al-Karim merupakan kitab yang benar yang memberi petunjuk kepada manusia, memberi kebahagiaan dan ketenangan jiwa, mengandungi peringatan, memberi syafaat pada hari akhirat dan terpelihara isi kandungannya sehingga hari kiamat. Firman Allah Subhanahu wa Taala dalam Surah al-Hijr ayat 9:

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ ﴿٩﴾

Yang bermaksud: *“Sesungguhnya Kami-lah yang menurunkan Al-Quran, dan sesungguhnya Kami benar-benar memeliharanya”*.



Marilah kita menghayati keagungannya Al-Quran dengan lebih mendalam antaranya menghayati kehebatan dan kemuliaan Al-Quran ialah dengan cara berusaha menguasai bacaannya dengan baik serta mempelajari ilmu tajwid. Seterusnya memahami maksud dan pengajaran Al-Quran dengan berazam untuk menghafal ayat-ayat suci Al-Quran seberapa yang kita mampu.

### **Sidang Jumaat yang dirahmati Allah Subhanahu wa Taala.**

Kebenaran al-Quran sebagai kitab suci yang agung sememangnya tidak dapat disanggah lagi. Terdapat pelbagai bukti sejarah dan bukti saintifik tentang kebenaran Al-Quran. Misalnya, Al-Quran telah lebih awal menceritakan tentang perjalanan planet melalui orbitnya, peredaran matahari dan bulan, gunung-ganang sebagai penguat bumi serta hikmah kejadian angin dan hujan, proses kejadian manusia dan pelbagai lagi. Selain itu, Al-Quran juga membawa pelbagai pengajaran untuk dihayati oleh manusia serta menjadi penawar kepada pelbagai jenis penyakit. Firman Allah Subhanahu wa Taala dalam Surah Yunus ayat 57:

يَتَأْتِيهَا النَّاسُ قَدْ جَاءَتْكُمْ مَوْعِظَةٌ مِّن رَّبِّكُمْ وَشِفَاءٌ لِّمَا فِي الصُّدُورِ وَهُدًى وَرَحْمَةٌ



Yang bermaksud: *“Wahai manusia, sesungguhnya telah datang kepadamu pelajaran dari Tuhanmu dan penyembuh bagi penyakit-penyakit (yang berada) dalam dada dan petunjuk serta rahmat bagi orang yang beriman”*.

Selain penyembuh pelbagai penyakit, Al-Quran juga adalah penawar kepada kesedihan dan gundah gulana. Firman Allah Subhanahu wa Taala dalam Surah al-Baqarah ayat 38:

﴿فَإِذَا يَأْتِيَنَّكُمْ مِنِّي هُدًى فَمَن تَبِعَ هُدَايَ فَلَا خَوْفٌ عَلَيْهِمْ وَلَا هُمْ يَحْزَنُونَ﴾<sup>٢٨</sup>

Yang bermaksud: *“...Kemudian jika datang petunjuk-Ku kepadamu, maka sesiapa yang mengikuti petunjuk-Ku, nescaya tidak ada kekhuatiran atas mereka, dan tidak (pula) mereka bersedih hati”*.

### **Sidang Jumaat yang dirahmati Allah Subhanahu wa Taala.**

Mengakhiri khutbah ini, marilah kita bersama-sama melazimkan diri membaca Al-Quran. Jadikanlah rumah kita sentiasa dihiasi dengan alunan bacaan Al-Quran. Janganlah jadikan Al-Quran di rumah kita hanya perhiasan semata-mata. Sesungguhnya berbahagia dan beruntunglah orang yang mendapat syafaat Al-Quran pada hari Kiamat dan rugilah orang yang



meninggalkan Al-Quran semasa hayatnya. Rasulullah Sallallahu Alaihi Wasallam bersabda dalam sebuah hadis yang diriwayatkan oleh Imam Muslim:

اقْرَأُوا الْقُرْآنَ فَإِنَّهُ يَأْتِي يَوْمَ الْقِيَامَةِ شَفِيعًا لِأَصْحَابِهِ...

Yang bermaksud: “*Bacalah Al-Quran kerana sesungguhnya ia akan datang pada hari kiamat nanti sebagai pemberi syafaat bagi orang yang membacanya*”.

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّ هَذَا الْقُرْآنَ يَهْدِي لِلَّتِي هِيَ أَقْوَمُ وَيُبَشِّرُ الْمُؤْمِنِينَ الَّذِينَ يَعْمَلُونَ

الصَّالِحَاتِ أَنَّ لَهُمْ أَجْرًا كَبِيرًا ﴿٩﴾

Yang bermaksud: “*Sesungguhnya Al-Quran ini memberikan petunjuk kepada (jalan) yang lebih lurus dan memberi khabar gembira kepada orang beriman yang mengerjakan amal soleh bahawa bagi mereka ada pahala yang besar*”.

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنْ

الآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ



الْعَلِيمِ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ

الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ، فَاسْتَغْفِرُوهُ إِنَّهُ هُوَ

الْغَفُورُ الرَّحِيمُ.